

**Piştvaniyeke hevaltî û dostane ji biraderê min,
têkoşerê pîdar Mihemed Şêx Mus Alî re.**

Dr.Ebdilmecît Şêxo 23.12.2006

Sersala nû pir nîzîk bû, hemû gelên cîhanê dixwazin herdem bi geşbînî li pêşerojên xwe binêrin. Her kesek ji niha de xwe amede dike ku muman di malên xwe de vêxîne, û derdorên xwe bi agirên wan ronak bikin. Gelê Kurd jî mîna her miletekî bi hêviyek mezin dixwast pêşwaziya sersala nû bike, lê beriya ku miletê me mumên xwe vêxîne, rêjîma "Bes" dewsa ku girtiyên miletê me ji zîndanên xwe serbest berde, ewa dixwaze bi awayeke ne sincî girtina têkoşerê pîdar, siyasetmedarê naskirî M.Ş.Alî mîna bahozeke hungirî bi ser ronahiya mumên sersala gelê Kurd li Kurdistana Sûriyê de berde...Lê em zanin gelê me tamarên berxwedanê bi qaserî çar hezar sal berdane nava welatê xwe, vîna Kurdperwerên gelê Kurdistanê ji bo azadiyê tucarî netê tewandin, û gevgurên dewleta Sûriyê hêviyên miletê Kurd naçelmisînin. Her girtiyeke Kurd bi hezaran têkoşeran diafirînin.

Hukumeta Sûriyê gelek berevajî li bayê dêmkoratiyê sîwar bûye, ewa setemkariyê ne tenê li xebatkarên Kurd dike, lê ewa dêmokratîxazên gelê xwe jî bindest dike . Di nirîna hemû azadîxwaz û dêmokratîxwezanan de ku divê guhertinek çaweyetî mezin di destlata Sûriyê de were kirin, û pêwîst e dêmokratîxwezên Erebi û Kurd Sûriyê bi şêweyekî hevbeşî birêv



bibin.

Girêdayî van bawerdanên jorîn û girtina berêz M.Ş.Alî de em dibînin ku gelek partiyên Kurdan li her çar beşên Kurdistanê û pir rêxistin û dezgeyên mafên mirovan yên erebî dengên xwe li dijî têrora dezgeyên destlata Sûriyê bilind dikin, eva bi xwe jî bersivê û nîşanek mezin ji dewletê ra ye û ewa dibe sernîşana asoyên geş, ango tevî ne lihevbûna tevgera kurdî û ne lihevbûna hêzên dêmokrat yên gelê Erebi li Sûriyê, dîsan ewanan kanin bi yek deng li dijî zordariya dewleta "Bes" rawestin.

Di vê sebarêtê de em jî dixwazin dengê xwe bi hemû hêzên azadîxwez re , ji bo serbestkirina têkoşer M.Ş.Alî û hemû girtiyên Kurd û dêmokratîxwezên Erebi bilind bikin, û em dibêjin careke din rûya destlata "Bes" reş be.

Her bijî dêmokratî û azadî
Bimre rêjîmên zordar... 23.12.2006

Pîrozbahî

**Bi boneya sersala xiristiyan,
Cejna Qorbanê ya Misilmanan û
cejna rojîyê ya biraderên
Zeredeştî, weşana we ya
NEWROZ cejna hemiyar pîroz
dike.**

Lêborîn

Di hejmara me ya borî (70) de , gotara bi serenav **Pirsgirêkên Hişê Erebi ya nivîkar Pîr Ristem bû,** ne ya **Dr. Rozad bû,** vêca ev lêborîn pêwîst bû.